


5550
И В А Н В А В И Л И Н

Тарас
ДЕД

1 9 5 9


КОМИ КНИЖНОЙ ИЗДАТЕЛЬСТВО



Иван Вавилин

Тарас ДЕД

Поэма



КОМИ КНИЖНОЙ ИЗДАТЕЛЬСТВО

Сыктывкар 1959

Иван Михайлович Вавилин

ДЕД ТАРАС

ПОЭМА

на коми языке

Оформление С. Холопова

* * *

Редактор *С. Морозов* Техн. редактор *И. Цивунин*

Сдано в набор 26/VIII-59 г. Подп. к печати 22/X-59 г.

Формат $70 \times 92 \frac{1}{32} = 1,0$ бум. лист. 2,34 печ. лист
(Уч.-изд. л. 2.6). Тираж 2000. Заказ № 2855.

Ц01827. Цена 1 р. 90 к.

Коми книжное издательство. Дом печати.

г. Сыктывкар, Республиканская типография
Полиграфиздата Министерства культуры Коми АССР

Висьтыс тайӧ куйліс дыр нин,
Пондылӧм нин бусӧн тырны.
Эг кӧ видлы, эг кӧ кыпӧд,
Ковмис янсӧдчыны ськӧд.

Висьтыс эськӧ мед, а мортсӧ
Кызкӧ жаль тай колыны ортсӧ.
Сылӧн олӧм — быдса тема,
Сылӧн олӧмыс — поэма.

Кызь во помся мортыс тайӧ
Нималӧ бур урожайӧн.
Ачыс арлыда нин, дзор нин,
Сӧмын та йылысь — эн сёрнит!

Пӧрысьтӧм кӧ кылас — пузяс:
«Ті нӧ олад али узяд?!
Татшӧм кывъясӧн эн суйсьӧй.
Паччӧрад ме аддза туйсӧ».

Кутан юасьны удж йылысь —
Ловсӧ кыпӧдан тэ сылысь.
Вежяс сэки делӧн чужӧм,
Пыр и аддзан, мортыс кутшӧм.

«Көть и личалыштис сөнөй,
Вынтор эмышт на и өні,
Сөмын мед ог торъяв муысь!»—
Со мый сійө меным шуис.

Эм кө татшөм морт да тема,
Мед оз буссы-й и поэма.
Менам дедөкөд тшөтш сійө
Волас мед лыддысысь киө.

1

Куд кодь лөсьыд керка
Даньдор сиктын — шөрас.
Еджыд гача кызьяс
Керка дінын — йөрас.

Өшинь улас порсыас,
Сэн жө дас вит курөг,
Кудриа съод ыжкөд
Дзоля кычи дурө.

Кильчө помын кылө
Ропочитө дедө.
Дыр узьөмысь сійө
«Пинялө» соседөс.

— Мед көть өтчыд водзджык
Палялан тэ, Демид...
Йөз тшөт весьтө овны
Кыйөдчан пыр, нэмыд!

Асьным ещө тэкөд
Оти мамлөн пиян!
Мыйла нө гөг сюрөс
Торьялө пыр миян?

Петіс пöрысь Варук:
— Йöзсö пыр эн ышöд.
Виччысь, дыр-ö асьтö,
Выжывöс, оз дышöд.

— Кутшöм тэныд, гöтыр,
Лоис меöдз делö?
Тарас дедöс некор
Лёк вылö эн велöд!

Верстьö кадöй «кывтіс»
Сё да кызь вит пыжын!
Öні ог нин йöймы,
Сэк кö эг ло выжив.

Пöшти кызь вит арöдз
Олі позтöм кökön.
Сэтшöм олөм вылö
Кыз нö оз пет вököй?

Ас семьяын батылөн
Вöлі «курас-карас»,
Важöнö-ö менам
Нимöй лои Тарас?

2

Дедлөн талунъя видчöм
Кольöм кадыскöд йитчöм.
Квайтöд дасöдзыд локны
Туйыс эз öд вöv кокныд.

Куим арöссиянь сійö
Сюрис чуткасысь киö,
Дядьводз олөмö сюрис,
Коді ичötсянь пурис.

Дядьлөн чужис выль «кодзув»—
Мөд пи пуксис мам водзö:
Лои ещö на пемыд,
Светсö сайöдиc Демид.

Воис Тарас дас кыкөдз —
Шудлун эз төдмась ськөд.
Олөм быд лун дас пöрийö
Сийöс чиршөдліс ньöрийөн.

Батьтөм пи вöсна мамлөн
Пыктөм син дор эз ямлы.
Кысь нö вöйпан нин сийöс,
Йöзö сетіс кө пиöс.

Кызь кык Тараслы вöлі,
Кодыр бергөдчис төлыс,
Революция гын
Кыліс шудлөн көк шыыс.

Сөмын шудлунсö босьтөм
Эз на удайтчы косьтөг.
Көть эз бурд на важ дойыс,
Ковмис мунны мөд бойö.

Мөд ног быдмыліс вокыс,
Эз и көтасьлы кокыс.
Некор дөрөмас сьлөн
Солөн эз кормыв ньылөм.

Өні быдөн тан шуö:
Мый пö дзик öти луөн
Налысь мыгөр и чужөм
Мамныс кисьтны, зон, кужөм!

Эм на, другьяс, примета,
Кодöс олөмыс сетіс:

Йӱзлы дзолясянь ытшкысь
Демид вок дорсьыс мышкыр.

Тарас, олӱмсӱ вуджиг,
Ачыс посйысьны кужліс.
Дась пос эз сюрлы ньӱтчыд —
Сійӱ-йӱ ӱні на тӱдчӱ.

Кӱть и чужӱмыс векни,
Уна тӱрӱма мекйыс.
Да и ззысьсӱ сійӱ
Унджык дзевӱм тош пиӱ.

Но, а Демидыс? Со тай. .
Наянлунысла льгота
Пыр на олӱмыс сылы
Сетліс миян му вылын.

Оз ков мӱд морт сы дорӱ,
ӱтнас — сетан кӱ вороп —
(Кыдзи йӱз костын шусьӱ)
Вермас бергӱдны мусӱ.

Сӱмын муяссьыд пӱлӱ,
Шоча удж вылӱ волӱ.
Сылӱн адасыс век нин
Йӱзысь-мортысь медвекни.

3

Катшашыдӱсьясӱн асыв
Шур-шаркерис ӱшиньясӱ.
Чеччис Тарас:— Коді сэн?..
Варук, мый ме шулі тэн?

Мися, бара на тай лӱкмас,—
Пӱчлы ненарошнӱ кокнас

Шебрас пырыс тувкис дед,—
Вот и гөрныд-көдзныд пет!

— Мөскыд, коскөс кызди дойдис!

Мыйкө йойталө сэн войбыд...

— Коскыд, Варук, сийө мый,

Пашляк эз на сийөс лый!

Тэ вот видзөд, өшинь улысь

Узигкості пышйөм тулыс!

Демид кодь жө — кыв оз төр,

Воліс здук кежлө — и бөр.

Демид быттьө сәні-й вөлөм,

Кыськө воис ньылыд төлөн:

— Но и поводдя жө, зон!

Оз позь,— шуө,— лэдзны пон.

— Тэ кө петін, сідзкө, позьө!

Волы, висьтась, прөйдит водзө.—

Воклы улөс мыччис вок,—

Збыль мөй поводдяыс лөк?

Мыйкө могөн, көнкө, локтін?

Он зэв видлавлывлы воктө.

Демид гидж-гиджкерис юр:

— Поводдяыдкөд он дур!

Сэсса полигтырйи чөвтис:

— Тарас, сетлы меным вөвтө...

— Гөра-көдза дырйи — вөв?

— Кутшөм көдза? Гөгөр — төв...

— Тэныд мый! Тэд пөсь ни көдзыд.

Көть колхозным оз и көдзлы.

Ставыс веськодь — шыч ни рач!

Скөрмөдін тай, көча-мач!

Демидлөн эз имит лөвтөм:
Локтис подөн, мунис вөвтөг.
Сөмын сылөн вуджөр дыр
Тарас син водзысь эз быр.

Йөзыд быдкодыс жө эмөсь!
Нисьө войтыр, нисьө пемөс.
Асланыс кө тыра сюв,
Сэсся мукөдыс көть кув!

Кызди му вылын сідз овсьө?
Он жө кыпөд налысь ловсө!
Муыс бергалө көть оз —
Рөмидзтөны мөсьяс моз.

Асланьныс кө мыйкө синны,
Войся сюзьлөн кодь жө синныс.
Отувйөн кө көдзны нянь —
Синьяс пыддиныс — ракпань.

Висьталан кө татшөмьяслы:
«Матын коммунизмлөн асыв!»
Налөн важөн дась өтвет:
«Мый нө? Матын кө, и мед!»

Татшөм «висьөмыслы» паныд
Эм лекарствоыс и тани:
Миян ставсө венысь удж
Сылысь орьөдлас сись вуж.

4

Идрасьөма гөгөр,
Ваймөма нин пач:
Кыскис, кылө, Варук
Пачысь пуан рач.

Пөчлөн дзөран кийс —
Вугыр помын ком:
Юкалө да висьö
Сылөн быд лы пом.

Варук кийсь мыні,
Шыд доз усн — швач!
Дедлөн сөмын артмис:
— Эк тэ, коча-мач!

Нормис Варук, шуис:
— Ачыл шыдсö пу!
Либö аслад пины
Қорсь мун гөтырпу.

— Кытысь нө ме корся.
Мый тэ лоин, пөч?
Ог өд гөтырпусö
Қолодаысь вөч!

Вом дорас на сылөн
Тэнад морөс йөв.
Төвъяс на мед ещö
Гоз-мөд, коймөд төв.

5

Қыті — куш, кыті — лымъя:
Тулыс джөмдіс туйджынъяс.
Вой төв лимзалө-бөрдө,
Оз сет туй сылы вөр ді.

Төвкөд вөр діас тани
Қодкө тыш талун паніс.
Ыджыд көстера биөн
Вөтлө кодзыдсö сійө.

Пөйм вöчны Қос ягö
Мунліс асывнас Якö.
Тарас ыстөм «приказöн»:
«Мун пö лёк төвсö пазөд!»

Со тай воис и ачыс:
— Қызди уджалö «пачыд»?
Бригадирыдлөн, мися,
Тшöтш тай сьөлөмыс висьö!

Яков шутитö, кылö:
— Медым лымйыс бөр сылö,
Пыр жö весасяс сёрдысь,
Бара лөдсали гортыр!

Сёрни кык друглөн варов:
— Яков, пестылам яра!
Мед нин водзö оз лёкмы,
Қовмис аслым тшöтш локны.

Қинас шеныштіс Якö:
— Мун да тэ сёрнит такөд!
Но и поводдя, зонмö,
Пессьö чепйывса пон моз.

Он тай өлөдныд куж тэ.
Қымын «байдөг нин куштіс!»
Да и мянлысь уджтö
Муяс вывсьыд тшöтш куштö.

— Яков, висьтав тэ, ноко,
Қөдзам квайт лунъя срокөн?
Якö чөвтіс вом улас:
— Ог төд, мый шуас тулыс?

— Тулыс шуас ли оз ли —
Ичөт делö колхозлы...

Көдзан ёна кө сёрөн —
Тэчан турунысь сёрём.

Тешкодь сёрнийд мисьтём...
Чайтан, мый коммунистос
Тулыс эновтліс коркө?
Ог на тёд татшөмторсө!

Нинём виччысьны дасьсө,
Ми жө вермам и асьным
Вөчны му вылын тулыс —
Тадз өд, буракө, шулім?

6

Енэж вывсянь шонді
Ёнджыка нин сотө.
Эжва юлөн веркөс
Шлывгө паськыд отөн.

Майтөгасьтөг быгзис —
Мыссьө ю дор öзын.
Джуджыд ыблөн нөрыс
Тырис варов йөзөн.

Быттё вөрзис керөс,
Йөктіс зумыд кокөн —
Сійөн, дерт, өд Тарас
Локтіс гөрд флажокөн!

Весиг тшөтш и трактор
Ратшкакылан горөн,
Вашмылясигтырйи
Матыстчис йөз дорө.

— Молодеч тэ, Миша!
Сьөлөмсяньыд зілян,—

Трактористлы шуө
Зыр кодь тоша Пиля.

— Тараслөн өд пиыс!
Нинём шуны — чочкөм.
Гугөдіс кык лунөн
Став бригаднөй коськөм.

Тарас думнас кайтө:
«Пельястө эн чошкөд!
Первой терпит видөм,
Сэссия-й вөлись ошкөм».

Пиля дядьлы воча
Нюмыс петіс Мишлөн:
— Мыйысь нө тэ повзин,
Эз на өд ло лишнөй?

Нюмъөвтис и Тарас:
«Збыль тай пиыс менам!
Колө тадз пыр овны,
Нинём кайны стенө».

Орччөн том ныв мыйкө
Видзөдіс газетысь.
Сэссия Мишлысь нимсө
Чуьнас индіс сэтысь.

— Байлы,— шуө Миша,—
Видзөдла син йылөн.
Видзөдліс — и чужөм
Жугыльмыштіс сылөн.

«Да! — ышловзис сійө,—
Панийс менө Белых...
Со тай кодлөн сөныс
Вөлөм медся зэлыд!»

Оз өшйыв инас, оз төд мудзём —
 Дед муніс видзөдлыны рудзөг:
 Көн вөлі быдмө чим веж сю,
 Мөс чукөр вөчө сэн «сьөд му».

— Эй, кытчө унмовсин тэ, Рогов?
 Мөс вөтлан ньөртө вайлы, ноко,
 Да водзвыв кульлы ассьыд гач,
 Тэд вөчла пывсян — коча-мач!

Пастуклөн некөн эз вөв дукуыс.
 «Сьөд өшкыд эз-ө сійөс люкышт?»
 Но Коля моз и «Великан»
 Дзик некытөн эз тыдав тан.

«А-а! Кык друг тай, сідзкө инө,
 Тась пышйөмаөсь нывъяс дінө?»
 — Йөй мөсьяс, ті, мун йирөй лог,
 Нянь дінөдз тіян ичөт мог!

Эз ылав Тарас — скөтнөй дворысь
 Пастукөс аддзис Лиза дорысь:
 — Мый тайө, тані висьтав, друг,
 Кино «Свинарка да пастук»?..

Тэ, Рогов, сөйны көсьян?
 — Көсья...
 — Тэ пыдди сөйисны нин мөсьяс,
 Эн вөвлы мортыс омөль... Но
 Ме тэныд петкөдла «кино»!

Тараслөн оз узьсы:
 «Курччасьоны пытшьяс».
 — Кытчө,— шуө,— менам
 Чөскыд унмөй пышйис?

Мися, мый оз узьсы,
 Садьмылі нин нельысь.
 Гымгаяс тай колө
 Видзөдлыны ёлысь.

Войдөрлун эг ветлы,
 Төнлун — бара зэрис.
 Талун дзик нин ветла,
 Гашкө, шедас чери?

Востымасьö кыа,
 Войбыд оз и куслы.
 Индө лэбан туйсö
 Дзодзöглы да юсьлы.

Мудзтөдз муніс дедө
 Гөрөм муяс пөлөн.
 Вөчөм уджсö аддзиг
 Радліс сылөн сьөлөм.

— Тайө,— шуө Тарас,—
 Абу ыб, а саридз!
 Помөдзыс кө мунны —
 Тырмас пөшти арөдз.

Бөръя ветлөм бөрын
 Лыда лун на коли,
 Оні мулөн помыс
 Вис дорын нин — ёлын.

Ель кыр йылысь Тарас
Аддзö öтка пипу.
Пипу улын лöня
Чискö-ваймö бипур.

Кок чунь йылас, гусьöн
Узысь пиыс динö
Матыстчис да ньöжйö
Инмöдчыштлис кинас:

— Код нö узысь сайö
Мунас верöс сайö?..
Чур-чермунис Миша:
— Батьö, тэ мöй тайö?

Сменаöй час сайын
Помассис со менам.
— Сийö мый... Вот мамыд
Тожö корö смена!

— Мыджся,— шуö Миша,—
Мыджся киöн-кокöн .
Тайö сёрни, батьö,
Эновтлам вай бокö.

Татшöм сёрни бокö
Эновтны оз позь нин.
Тэкöд тшöтшъя нылыс
Эз нин коль колхозын.

Моньöс ме ог увтырт,
Кöть и мöд артельысь...
Мишлön жонь кодь чужöм,
Жонь рöма и пельыс.

— Чайтан сöмын чери
Татчöдз менö вайис?

Оз-ө позь тшөтш мөд ног
Гөгөрвоны тайос?

Эн пов, көть и карысь
Сюрас тэд невеста,
Эм на тай колхозын
Уна тыртөм места!

9

Кыдзи лунысь луно
Турунсялө бор,
Сидз жө часысь часө
Кыптө скөтнөй двор.

Сруб пельөссиянь ылө
Төвзё еджыд чаг.
Черлысь камгөм нерө
Мөдлапөвса яг.

— Аддзад,— кодкө шуис,—
Локтө Тарас дед.

— Тшупсы! А то аслыд
Нырад тшупас тэд!

— Мортыс өд парткомын
Миян секретарь...

— Роговлы пө төрыт
Петкөдлөма жар...

Пыр и мыйкө аддзас
Тарас дедлөн син:

— Тi нө збыльысь тшупад
Скөтлы оланін?

— Тайтөяслы вөчам,—
Том морт лэптис юр,

— Вой төлылды тани
Дзэбсяніныс бур!

— Э-э!— содтіс дедө,—
Другьяс, тадз оз туй!
Этійө паз костас
Юртө көть со суй...

Стеныд колө веськыд,
Қызди зэвтөм шөрт.
Ичөт доныс срублы —
Ваос кө оз йөрт.

— Мый тэ лоин, дедө?
Қарта — абу пыж.
— Пыж не пыж, а пазійө
Оз жө төрлы ыж!

Ноко, вайлөй, меным,
Эм кө лишнөй чер!
Босьтчис и эз төдлы —
Тшупис куим кер.

Оз корсь мортыс перө,
Көть и секретарь,
«Гижас» аслас черөн
Любөй циркуляр!

Мортыс сійө төдө:
«Гижөма» кө чер,
«Гижөдтө» оз ньөдздөд
Медся чорыд зэр!

10

Вашкөдчө веж льөмкөд
Эзысь кока пелысь...

Гортас талун шойчө
Трактористка Белых.

Мыйсяма газета
Куйлө пызан вылын?
Янсөдчыны дінсьыс
Некызд оз лэдз нылөс.

Снимок кындзи сэтөн
Бурыс эз вөв нинөм.
Снимок вылын — Миша
Аслас овөн-нимөн.

— Ок, тэ,— шуб Оля,—
Сьөд синкыма зонмөй!
Тэ вөсна өд кадтөг
Номйөссис нин вонийөй.

Гашкө нин, тэ верөс?
Кысь нө меным төдны.
Гашкө нин, тэ важөн
Китө сетін мөдлы?

Татшөм снимок дінад
Колө тшөтш анкета...
Ветлөдлө редактор!
Лөгыд сөмын петас.

Ланьтлы нин тэ, сьөлөм!
Отарө пыр норман...
Ыджыд-ө көть, висьтав,
Радейтчөмлөн норма?..

Нем виччысьтөг өдзөс
Дзуртыштигтыр вөссис:
Оля ордө юөр
Пыртис письмоносец.

Юөрсө, кыз йөнмөс,
Босьтис полан киөн,
Сэссия визьысь визьө
Каттьысис пыр сійө:

— Видза олан, Белых!
Ыджыд-ыджыд чолөм!
Кутны тэкөд йитөд
Тшөктис меным олөм.

Кывлі, тэ пө уджын
Варыш кодь, ён бордья.
Гажөй петө төдны,
Кыз тэ менө ордьян.

Мед жө менам тэкөд
Йитөд лоас топыд.
Дзик ме коркө вола
Босьтны тэнсьыд опыт...

Нывъяс пиысь эн на
Некодөс тэ ылөд?
Корсь вай тшөтш и меным
Өти шаньджык нылөс...

— Атьө тэныд, Миша,
Висьтасин кө зонмөн!
Өні и сьөд вөрын
Меным оз ло номйөсь.

11

Пөрчис еджыд шапка
Мир туй дорса коз.
Быд лап вылө тырыс
Өшлис коляоз.

Коми муодз тулыс
Шевгөдіс борд-тив.
Расын кылө шорлөн
Варов сьыланкыв.

Арся лыслөм бөрын
Кыз да пипу вөр
Чим веж рөма платтьө
Пасьталоны бөр.

Мир туй кузя мунө
Миша — тракторист.
Паныдасигкежлө
Юрас тэчө висьт.

Джуджыд слуда улысь,
Ки пыдөсысь моз,
Петкөдчис Миш водзө
Гашдорса колхоз.

Кыпөдөма морөс
Сён сай керөс йыв.
Эжсө сылысь кульө
Трактористка-ныв.

Адзис нин со сійө:
Кодкө вуджис сён.
Видзөдө: сы дінө
Туйсянь кежис зон.

Сувтовкерис, чөвтіс
Чолөмаян кыв:
— Могөн, — шуө, — кежи
Тэ дінөдз, бур ныв.

Висьтав, көні гөрө
Белых — тракторист.

Туйдытөгүд, гашкө,
Мунны ме ог пьсьт?

Нывлы йирмөг лолі,
Йирмөг бөрын — пөсь.
Гөгөрвоис сійө:
Коді тайө гөсть.

Думыштис ас думнас:
«Сюсь! Он ройө увт.
Мыйла кө тай эн на
Мукөд дінө сувт?»

— Белыхөс? Дерт, төда.
Рөдпом лоө мем...
Гашкө, ме и ачым
Белыхыс и эм?

— Ышман,— шуө Миша,—
Шмонитан, бур ныв.
Сёрниөс тэ менсьым
Лэптан серамвыв.

— Сідзкө, прөста гижлін,
Уна пөсь, бур кыв?..
Висьтав, мый тэд колө,
Опыт али ныв?

Шөйөвошис Миша:
«Чудитчө мөй мен?»
Видліс юрсьыс кепка —
Кепка век на сэн.

Сэссия көсейис сійө
Шуны. Но эз шу.
Сөмын юрас кутіс:
«Лөсьыд гөтырпу!»

Ныв дінө кольламой ми зонмөс,
 Мед радейтчөмныс налөн ёнмас.
 Поэма гажтөммис нин, дерт,
 Од сэтысь вошис Тарас дед!

Со «КИМ» колхозлөн виль контора.
 Зэв мыйкө талун сійө гора?
 Зэв пöся сэнi мунö вен.
 И Тарас дедным тшөтш жö сэн.

Райцентрса морт сэн öш кодь букыш,
 Портфельсö ассьыс чуть оз люкышт.
 Да сійö нин көть вöли бур,
 Мый плешас абу петöм сюр.

А сълөн ныр — кык ствола пушка,
 И кыкнан стволнас öттшөтш чушкö.
 Да сійөн нин көть радлам ми,
 Мый ствольяс пытшкысь оз пет би.

А Тарас дедлы ва көть, би көть,
 Ни сёрниын, ни уджын пикö
 Эз волы некор дай оз во!
 Став йöзыс сійöс кывзö со.

— Тi, другъяс, ставныд төдад асьныд:
 Мöс дорö некор оз лок лясни.
 Но ещö делöыс сэк лёк,
 Кор лясни дорö мöс оз лок.

Сэк лясни дорын оз ло нуртöм,
 Кор видзьяс вылысь ставсö куртам,
 Кор муяс вылын корнеплод
 Лёк йөнлы кок улас оз вод.

Йӱз миян уджалӱны бура,
Но сюрлывлӱ на-й мыльк и гуран.
Со Ӗльӱксан. Кӱть мортыс чожд,
А пӱръявлӱ на мӱд туй вожд.

И Демид вокӱс кыдз кӱть янӱд,
Пыр мунӱ вузасыны диванӱн.
Диван нӱль кока, но быд тӱв
Пес вайны менсыым корӱ вӱв.

«Юристыяс» нин миян тшӱтш эмӱсь —
Вась Матрена да Ӗртем Семӱ.
Удж вӱчтӱг виччысьӱны дон,
Мый, ыштӱ, сэтшӱм эм закон.

Оз петны уджавны колхозӱ:
«Чуть-чуть пӱ гусясьыштны позьӱ.
«Чуть-чутьсьыд» ӱни миян суд
Судитны некодӱс оз кут!»

Эз терпит воӱм морт:— Тӱ асьтӱ
Ни ӱти кывӱӱн тай эн казътыв.
И аслад мыжыс уна эм.
Райцентрӱдз нин со кывсис мем.

Вай висътав, яйныд кытӱн тиян?
Эн быдтӱй, вузавлӱд порсыпиян.
Кӱн тиян вӱлӱ сӱк партком?
А танӱ талун песан вом!

— Ӗшибка вӱлӱ,— Тарас сувтис,—
И мӱд на вермас лоны кувтӱдз.
Вай ӱтсав, индав, критикуйт,
Ӗд сытӱг кутчысьлывлӱ нуйт.

— Тӱ, Тарас, шуан: «Ме пӱ юра!»
А висътав, тӱнад кӱн культура?

Од сөмын сиктса пемыд йӧз
Гадз терпитӧны тэнсьыд грӧз.

Тшӧтш нартитанныд менсьым пиӧс.
Пастукӧ доддялӧмныд сийӧс.
Скӧт бӧрся ветлӧ, быттьӧ чӧрт,
Кӧть асьсӧ пемыд гидӧ йӧрт...

— Тэ ачыд настӧящӧй чӧртыс!
Тэд сьӧлӧм пуктылӧмны кӧртысь.
Бур питӧ кольлӧн нянь ни пань,—
Райцентрса мортлы крапкис ань.

— Пыр кӧнкӧ шляйтчис-ветлис нэмыс!
— Да сийӧ ачыс миысь пемыд!
— А ме кӧ вӧлі сьлӧн пи,
Юр вылас эг коль ӧти си!..

Кыв вылӧ кыв — пыр ёсьысь ёсьӧсь...
А ӧтнад — мирыдкӧд он косясь!
Райцентрса морт, кӧть новлис чин,
Но ӧдйӧ аддзис петанӧн.

13

Пушка ныракӧд дед
Паныд сюрлис нин кыкысь.
Важыс вӧсна жӧ, дерт,
Талун пансьылис зыкыс.

Сэксаень колис кузь кад,
Пӧшти кызь ӧкмыс во нин.
Тарас вӧлі нерад —
Ковмис Вась ордӧ воны.

Рогов Васькаыд сэк
Ёна крепыда оліс.

Йөрмөм войтырыд век
Уна сы ордө воліс.

Пышйис кӱдзыд, кузь тӱв,
Кӱдзны корис нин тулыс.
Нинӱм думайттӱм вӱв
Тарас гозъялӱн куліс.

Тарас жугыль и чӱв:
— Василь, сетлы мем вӱвтӱ...
Рогов пузис:— Тӱд вӱв?!
Бара воштӱн гач кӱвтӱ?

Нетшкӱ менӱ быд чӱрт!
Тӱ пӱ миянысь озыр...
Асьтӱ доддяв да гӱр!
Видлы овны ме мозыс.

Сӱсся наяна друг
Вежис сӱрнилысь тонсӱ.
— Босытлы вӱв и выль плуг...
Коркӱ мынтан жӱ донсӱ.

Сӱдзкӱ, сӱрнитчам, вай.
Аддза, мортыс тӱ вынтӱм.
Босыган выль урожай —
Баян джыныйсылысь джынсӱ...

Тарас — морт эз вӱв дыш.
Весь кӱ ошка — мем грекыс.
Уна пыж, пипу пыж
Сӱйӱ вӱчавліс сӱки.

Ог тӱд эсканныд он,
Верма содтытӱг шуны:
Эжва вомӱн понтон
Позис на вывтӱ нуны!

Паныд нинѳм он шу,
Тарас уджавны кужліс,
Сѳмын ни ѳти ю
Асшѳр пыжѳн эз вуджлы.

Сылѳн пыжыс — колхоз:
Ѵн и паськыд, и ыджыд.
Гыяс паныд — эз кос —
Муніс ѳтувъя пыжын.

Сѳвліс татчѳ и Вась,
Мед эз вѳй сылѳн овмѳс.
Сѳмын пыж шѳрысь тась
Сылы чеччыны ковмис.

Васьлы не сѳмын пыж,
Татысь эз сюр и берег.
Сэсся-й петкѳдліс мыш,
Пышйис, корсис лѳнь сэрѳг.

«Ме тай,— думайтѳ дед,—
Йиа ва пыштї келї,
Пыжѳ веськавны мед,
Медым босьтны ѳн пелыс!»

14

Демид кильчѳ помын
Парась тьѳтѳ «мойдѳ»
Сы йылысь, кыз йѳзыс
Овлѳмаѳсь вайдѳр.

— Ёрѳм мортѳн вѳлі,
Кодї чужліс нылѳн.
Верстьѳ каднас чужѳм
Чукрасьлывліс сылѳн.

Сэтшөм оландырсо
Төдан на тэ, Демид,
Ныв кө вөлі чужо —
Керка пытшкыл пемыд.

Тайо кольөм кадыс
Кажитчө мем вөт кодь.
Өні, ныв көть, пи көть —
Кыкнанныс нин өткодь.

Гашдорын со Марпа,
Нач жө ме кодь тьотка,
Некор шог оз төдлы,
Олө, кызди пөтка.

Эз көть быдтыв писө,
Вөлөма тай шудыс.
Нылыс сылөн — Ольга,
Мамлөн вердысь-удысь.

Майбыр, өні Марпа
Эмбур тэчө кудйө.
Нылыс няньсө босьтө
Сө да унджык пудйөдз.

«Ак! — думыштіс Демид, —
Мем кө татшөм моньыс!
Тэрыб моньнад сөмын
Узь да ов да шмонит».

Бытьтө ытшкөм турун,
Демид нюкырмуні:
Вешкырасигтырйи
Кыкнан синсө кунис.

— Висян, коньөр Демид? —
Шуө Парасковья.

— Вися... Ог кӧ вись ӱд,
Лун-лун тадз ог довъяв.

Сэсса чуньнас индiс:
— Этатчӧ со бытшкӧ...
Тарас век на шулӧ:
«Мун пӧ, Демид, ытшкы!»

Пӧрысь нюмсӧ Парась
Тэрмасьӧмӧн дзебис:
— Бордыд кӧ тай чегӧ,
Он нин ылӧдз лэбышт...

15

Қор первой аддзан кызь вит арӧн
Да кылан бательсь сёрни гор,
Друг сьӧлӧм ыпнитлас став жарӧн,
Он вермы шуны нинӧмтор.

И сийӧ дiнад, и зэв ылын,
И сийӧс кылан, и он кыв.
И аслыс абу кивыв сылы
Тэд сьывны «ӧввӧ» сьыланкыв.

Тан Николайлы быдӧн ас йӧз,
Став сиктса олысь матыс рӧд.
И олӧмыс нин важӧн пасйис,
Мый Қоля тшыг ни шог оз тӧд.

Эм сьлӧн олӧм ылӧ лача,
Эм сьлӧн удж, и эм любовь.
Оз ышӧд сийӧс бательӧн дача,
И деньга кӧшӧлыс оз ков.

Вась эз шу Тарас дедлы аттьо,
А кутіс увтны, кызд лёк пон.
Од Тарас вөлі первой батьон,
Сы дінын быдмис сөкөл-зон.

Да кысь нө татшөмлы бурлуныс,
Кор йөзыс вылө букыш син?
Мед өдйөджык көть татысь муніс,
Тан сылы абу оланін!

16

Отчид, шойччан лунө,
Сиктө петіс Тарас:
— Гөтыр, ме өд муні...
Бура ов, Варвара!

Ветла Кывтыд помлань,
Гортад век көть нюжмась.
Пукавны төн менө
Корліс Ортем Кузьма.

Муніс Кузьма ордө.
Гөстьяс сэн — кык-куим.
— Лок,— шуө көзяин,—
Гөстит тшөтш, мый суин.

Тарас дедлы Кузьма
Румка вина кисьтіс:
— Дарйөда нин,— шуө,—
Көть эськө-й эг висьтөд.

Гашдор сиктса гөстя
Матыстчис дед дінө:
— Эн на жө Машуктө
Верөс сайө инав?

— Майбырöй дай мортöй,
Этшаджык тай вöли!
Эмторйыд пыр инö —
Гожöмын и тöлын.

Витнаннысö сегі,
Месянь тырмас сэсся,
Öнi пиöй вöсна
Тöждыся да песся.

— Нывъясыс тай тэнад
Унакодь жö вöлөм...
— Эн нин сёрнит, бобö,
Эн нин дойдав сьöлөм.

Варук ставсьыс мыжа.
Кыв öд оз төр сылы.
Öлөдлан, а сійö
Бара ваяс нылös.

Шулi: «Тэнад, мися,
Кын кузнечлөн сямьд,
Кодi «дзижөдз» дорис
Гөрлысь быдса амысь».

Варукидлөн, зонмö,
Эз öд помась «дзижөн»—
Квайтöдысяс вайис
Дас кык пунта Мишös!..

Ышмөм бöрад ставлөн
Сёрниныс зэв тэрыб,
Ветлас сійö-й вöрад,
И оз пов лөк зверысь.

— Висьтав, Тарас, кыдзи
Паныдасьлiн ошкөд,

Кыдзи сійö тәнсьыд
Зуалис ус-тоштö.

Ышлолыштіс дедö:
— Вöвлі делö öтчыд.
Нэм чöж кежлö сійö
Паметьö мем мөрччис.

Пемыд. Муртса тöдчö
Векныыдик туй сёртас.
Сизим дозмөр нопйын
Нуа вöлі гортö.

Кыдзкö рököй водзö
Паныдаси ошкөд.
Ачым кайта: «Чöвлы,
Ог кө тэнö котшкөд?»

Ас тшöт вылын нель нин,
Тэ со лоан витöd.
Мися, збыль кө кыйсьысь,
Ог лэдз тэнö витög».

Оз ков вөлөм войын
Вөрзöдны лөк зверöс.
Эг на удит сötны —
Мырддис менсьым черöс.

Сэссия дукöс пöла
Лапа улас сюри.
Раснитіс — эз юав:
«Тан пö кымын вурис?»

Помнита на ещö
Пельдінö кыз тітшкис,
Кыдзи усьöминö
Вевтгис менö нитшкөн.

Бізөптисны ставон:
Тит и Педь, и Семю,
Ачыс, Ортем Кузьма,
Ваксьо куснясьомон.

17

Уджкөд орчон пыр мунө,
Воськов оз кольччы дед.
Сөмын медмича лунө
Кутис торкавны пред.

Дедос корис да шуис:
— Мун да ноптортө сөвт!
Тэ нин джынвыйө туйын —
Тайө збыль, абу вөт...

— Оз кө кыскы тась кулыс,
Менө бурон он берт!
— Талун ог, а июлын
Тэнө бертыштлам, дед.

Кыз нө пыксыны лысьтан?
Тэ — правленьеса член!
Дзонь колхозон өд ыстам —
Со и став висьтыс тэн.

Колө ыстыны мортос,
Коді быд боксянь бур.
Менам думысь: курортө
Тэысь бурыс оз сюр...

— Ещө лыддысян предон!—
Сюрис Тараслы крук.—

Бокысь ыстылам, медөн —
Мөд ног, делöйс дзуг?!

Код нö тэныд дас порсьлысь
Быдтö кыксё кызь порсь?
Лунын биён көть корсьысь,
Пекла кодьöс он корсь.

Максим — уджысь оз пöтлы,—
Лэптис куим выль сруб.
Новосельеыд скöтлөн
Таво эз нин вöв дуб.

Код миллионсö тэд вайис,
Эз-ö мөсьяслөн йöв?
Миян йöв мында ваис
Шорын таво эз вöв!

Медбур лысьтысьысь Öгрö,
Абу сы кодьыс мөд.
Эн, эн синъястö гöгрöст,
Бытьö мортсö он тöд!?

— Тэнад списокыд кузь на?—
Дедöс вомалис пред.
— Эм на-й друг менам — Кузьма.
Ветлас, шойчыштас мед.

— Тупкыв списоктö, ноко!
— Мый нö, тупка көть ог,
Сэтчö эг сюр ме, вокö,
Öни ичöt мем шог.

Дзонь бригадаöс пасьтөг,
Көть и гожöм, ог коль.
Мөд мед нопторсö дасьтö —
Меным тайöс эн доль.

Тарас мунӧм йылысь
 Ӧти лунӧн дзик,
 Шензяна кӧть абу,
 Тӧдмаліс дзонь сикт.

Дедлы быдӧн вайӧ
 Аесыс гӧснечтор.
 Юасьӧны сылысь:
 — Кор нӧ мунан, кор?

— Мунны абу шутка,—
 Шуӧ Сӧпрӧн дед,—
 Со ме вайи утка,
 Тарас другӧ, тэд.

Пуктіс Ӧгрӧ туис:
 — Босьт, туй вылад — нӧк.
 Пырис Наста, шуис:
 — Вайи чери пӧк.

Чӧвтис Матрен тьӧтка:
 — Чери ме ог кый.
 Со тэд, Тарас дедӧ,
 Вичмӧдышти вый.

— Ыджыд гӧснеч вайны
 Миянлы нӧ кысь,—
 Шуӧ Пекла,— со тай
 Вайышти ме рысь.

— Ваянныд кӧ меным
 Гӧснечтӧ быд морт,
 Сэки,— шуӧ Тарас,—
 Оз и ков курорт!

Висьтөм кокөн Демид
 Чотликтіс Гашдорті.
 Рытъявыв нин вөлі —
 Пырис Марпа ордө.

Пырис. Порог дорын
 Лайкнитліс ён туша,
 Том нывлы моз шуис:
 — Чолөм тэд, Марпуша.

— Локыв, — корис Марпа, —
 Шойччы. Кузь нин туйыд.
 Даньдорсяньыс, Демид,
 Кутшөм мог нин суис?

Сьökыд, кодыр он төд,
 Мый и вочавидзны...
 Быть өд лоö шуны:
 — Могтөг пыри, сідзи.

Лукйысьыштөм бöрын
 Вочакывйыс сюри,
 Демид дядьöс мездіс
 Қос пуйывса тури.

— Вєськөдчыны волі,
 Матө вои кокөн,
 Да и тшөтш со мыйкө
 Бытшкө кыкнан бокө...

«Озыр керка пытшкыс,
 Мыйыс абу тані!»
 Ышловзис да Демид
 Выльысь сёрни паніс:

— Верös вөвлі важөн
Ставыс вылын ыджыд,
Шулісны эз прөстө —
Овмөслөн пө мыджөд.

Дзикөдз, Марпуш, вежсис
Олөмыдлөн серыс.
Нывбабаыд өні
Миян дорысь тэрыб.

Оз ков мунны ылө,
Босьтам тэнсьыд нывтө.
Быдсяма эмбурсө
Лөсьөдіс юр вывті.

Верөспусө, дерт нин,
Корсис, көнкө, Ольга?
Эн көть дивит, Марпа,
Со пө, йййыд, больгө.

— Корсис,—шуө Марпа,—
Шудөй меным сиис.
Даньдорсьыд зятьпуй —
Тарасыдлөн пиыс.

Миянысь на бура
Овсьө, көнкө, тэныд?
Ая-пиаыдлөн
Додь тыр трудоденьыд...

Бытьө вой шөр войын —
Пемдіс керка пытшкөс.
— Ой, ой!—вөрзис Демид,—
Бара нин со бытшкө...

«Трудодень кө этша,
Керкасьыд эн пет көть.

Куш кинад и öнi
Öгыртö он петкöд.

Лэптасны нин рельö.
Но и тайö олöм!
Корасигад весиг
Трудкнижкаыд колö.

Ныж кө пурт, быд кыддзысь
Он тай чуктöд сямöд...»
Марпа ордысь Демид
Мунис сьöкыд думөн.

20

Войнас Даньдорсянь кывтис...
Эз öд Тарас, а — мöд.
Демид радліс нин вывті,
Сійö нем на эз тöд.

«Сідзкö, талунсянь «койташ»,
Тарас — туйын нин, дерт.
Мед нö Лунвылын койтас —
Сытöг югыдджык свет».

Эз тай дыр кежлö сэзьдыв —
Лыйис чардавтöм гым.
Тарас друг кыськö пезьдіс,
Пырис вок ордö — зым!

— Кötь и дзебсин, а сюрин!
Он на меысь тэ мын.
Тэнад местаыс — нюрын...
Торфыд абу нин кын.

Демид лапйöдлö синсö,
Бытьö гож водзын сюзь,

Лукийо быд лудтөминсө:
«Мый нө? Ог жө өд узь?»

— Тарас, тайо нө... тэ нин?
Сідзкө, абу жө вөт?
— Зэв тай паметьыд дженьыд...
Бригадирөс он төд?!

Тырмас — вөтасин дыр нин,
Луныс янөдө син.
Важөн гажтөмчө зырайыд,
Сейны кутөма сім.

Боксө зыралө Демид:
— Лыйлө, жугөдө кос...
Нюрө ог мун ме немьсь!
Мөд удж, кокньыдөс, корсь.

Тарас серөктіс:— Воклы?
Кыз нө мөд удж оз сюр!
Паччөр поньтавны кокньыд,
Да и червидзны — бур.

Төлөс чужьявны лөсьыд,
Некор оз мудзлы кок,
Но өд кытөн он пөсяв,
Уджсьыд доныс оз лок.

Яндысь гөтырсьыд көть нин,
Вердө тэнө — мужик!
Не кө сійө, эн пөтлы,
Немө воин нин дзик.

— Мыйкө ыджыдөс шуа!—
Демид турыштіс щөть.—
Этша пөжалан-пуан,
Он на сы уджөн пөт.

Ноко, висътав тэ: корсянь
Вердö менö колхоз?
Бокысь нажöтка корся —
Мöд ног некыз оз позь.

Оз мем кокныда чукты,
Пöсьөн перъя быд грöш.
Пиньтö джаджийö он пукты,
Тувийö рушку он öш.

— Кокни уджсö тай инди...—
Тарас нюмъялис дыр.
Демид тшöкмунис-виньдис,
Сэссия кватитис зыр.

21

Зэв кыпид гөгөр. Сэзь и гулыд.
Лёк арсö бытьö вöтлис тулыс:
И муыс — мöд, и йöзыс — мöд.
Мый вöчсö сёлöмын — он тöд!

Да кыз он тöд! Ми ставөн тöдiм:
Выль туйöд кадыс мунны мöдис,
Öд тайö вöли первой ар,
Код вежис сиктлысь календарь.

Великöй партияным миян,
Ми кодлы медбур думъяс сиам,
Дас вояс сайöдз чөвтлис син,
Көн озыр олөм, няняин.

Со вөрзис ыб. Тэ, ёртöй, кылан?
Став йöзыс мөдöдчисны сылань.
Ми вылө дөзмас öнi ыб,
Нянь вöсна тыш сэн оз кө лыб.

Код талун татшөмтор эз казаяв,
Син көртөд налысь кадыс разяс,
Но сэки, кызди көть эн шу,
На вылө обидитчас му.

Пу корйысь мукөд гагсө бушков
Оз чуктөд. Сійө важ моз путшкө,
Сі-везъяс кыö гөгөрбок,
Сям сылөн өти — вöчны лөк.

А мукөд дырйи важлөн лөптыс
Ю вылөдз петавлывлө гөптысь,
Но сійө бара корсьö тась,
Көн медся джуджыд вабергач.

Лөк көин, оз кө сюр яй кусөк —
Дась ёрны ставнас ыджыд мусö,
Но мутö, сійөс, ёр көть эн,
Он сувтөд, нинөмөн он вен.

Қор татшөмъяслөн вошө маска,
Ас сьорас босьтöны сьод краска,
Мед мавтны сьодөн еджыдін —
Быд буртор ёрö налысь син.

Мөд во нин тырö сійө арсянь,
Қор сиктö первойсөн карсянь
Кодсюрö воалисны. Но...
Эз быдөн пöсь сьөлөмөн во.

Райцентрö, код төдас, мый могөн,
Тшөтш накөд воис со и Рогов.
Он шу: эн лок! Öд агроном,
Дай зептас новлөдлө диплом.

Мөд пөрйö нин со Тарас дедö
Сы синъяс улö талун шеді:

— Тэ бригадир и секретарь
Подсолнух улö дзебин пар?

Мужик! Тэ важөн уска-тошка...
Кызь гектар пуктöмыд картошка!
Кор кынмас, сэки мун дай кер,
Зыр пыдди ковмас босьтны чер.

— Ме кужа-й вöдитчыны черөн,—
Дед шуö,— сöмын тэ эн дзерöд...
План менсьым вынсьöдiс колхоз,
Эз сийö вывсянь усь важ моз.

— Ас вылад босьтан вывті уна.
Райкомöдз та йылысь ме муна,
Ми татшöмторлы пуктам пом!
Ме коммунист и агроном.

— Ми демократия ог торкöй.
Дерт, татшöмторйыс вöвлі коркö,
Но öні,— шуö Тарас дед,—
Став важлөн вушйöма нин след.

Выль агроном век увтчö лёкысь:
— Көн ассьыс воксö сёйö вокыс,
Сэн демократиялөн дук
Оз вермы овны öти здук!

Тэ висысь воктö вöтлан нюрö...
Код öні тадзи мортöс пурö?
Пи менам велöдчис дас во,
Мед тэнсьыд видзöдны «кино»?!

Тэ дiнысь барскöй дукөн öвтö!
Вок мортлы весиг он сет вöвтö.
И партиянымлысь «выль курс»
Быд ногөн вежньöдлан, кыз мус!

Кор дедлысь вөрзёдісны муссё,
Ёсь штык моз сувтёдіс дзор уссё:
— Ме вёлись казялі, сёмор,
Да тэ тай, вёлём, «ревизор»!

Карл Каутскийёс, гашкё, тёдлін?
Марксизмлөн гыяс костё пёдлі...
Но, сэтшөм мортёс кыз он тёд,
Коть ылісянь, а тэныд рёд.

— Кулакөн нимты өти сайысь!—
Син гозйыс Васьлөн плешас
кайис,—

Кыз аддза, грамотнөй тай зэв,
Но менсьым он нин курчы пев!

— Эм грамотаыд. Оні ола.—
Дед шуё:— Помавлі партшкола.
Москвасянь главнөй выставком
Тшөтш меным ыстөма диплом.

—«Диплом, диплом!»— Вась миян
нерсьё,—
Дипломыд эм. А тан, мый керсьё?
Да мый ме песся? Пом оз во...
Мед тэнө някралас бюро!

Дед корис конюхёс ас дорас:
— Вай мортсё гөнитөд Даньдорысь.
Збой воронөйнад сійёс ну,
Музейөдз воад — горөд: «Тпру»!

22

Со тай кодкё том морт, кылё,
Ёна элясьё ме вылө:
Көнкё вөліс пө том ныв,
Оні некытөн оз кыв.

Тайö, дерт жö, Оля йылысь
Тшöктö гарыштлыны вылысь?
Белых эз на вош — эн пов.
Тырмö сылön нянь и сов.

Няньтöг, дерт, и ми ог олöй.
Сöмын нянь дiнад тшöтш колö
Сьöлöмыдлön шоныдлун —
Сытöг ныв дiнö он мун.

Овлывлö и менам висьöм:
Виркöд öттшöтш стихöй йизьö.
Кынмывлö не сöмын ва,
Пужйөн тырлö и строка.

Мем и аслым гажтöм лолö,
Оля дорö кö ог волы.
Нывьяс ради — лёк кöть бур —
Луддзывлö на пöрысь юр...

Кольлö тöv и кольö тулыс —
Нем оз петлы перö улысь.
Сэтшöм тай нин миян удж —
Мырсян во, а стих оз чуж.

Гожöмъясын — мый сэн лёкыс?—
Озёл тысь кыйла ёкыш.
Арнас пöрйöдлывлö яг.
Вöзий меным свежöй тшак.

Мыйыс оз овлы поэтлön!
Гашкö-й, кöнкö туйын ветлö?
Мукöд дырйи сылысь стих
Нельсё пельön кывзö сикт...

Со и Оля. Борйын шойчө
Аслас плугарыскөд орччөн.
Сыкөд аддзысьны зэв рад,
Налөн буретш пажын кад.

Вөр ді сайысь петіс Саня:
— Оля, шыдтө өдйө паняв!
Коркө мөдысь дырджык сөй...—
Воысь нывка вөлі збой.

— Со тай тэныд мыйкө татөн
Гижө миян председатель...
Белых лыддис гижөдтор:
— Висьтав, менө мед оз кор.

Комбайнёръяс курсъяс ылө...
Мунны өткөн сэтшөм ылө?
Виас гажтөм, сөяс шог...
Мөд мед мунас, а ме ог!

— Кызди өткөн? Корсян ёртсө.
Удоратин Мишыс — морт жө.
Көть и Даньдорысь, но, мед!
Туйын бур пөпутчик тэд...

Видлан кө нин ыръянитны,
Помөдз колө аслань жмитны.
Оля сетіс гижөдтор,
Мөдысь шуис:— Мед оз кор!

Нывка саяліс вөр сайө...
Оля чуймис: «Мый нө тайө?
Мый ме вөчи? Ай-ай-ай!»
— Саня! Гижөдсө бөр вай!

Быдся йӱзыскӱд райкомын,
Олыштан кӱ, адзысьлан:
Дзӱнь районлӱн кыкнан помыс
Частӱ ӱтласьлӱны тан.

Пуксис вӱчны ассьыс делӱ
Татчӱс первой секретарь.
Пыр жӱ локтис заводелом,
Шуис:— Луныс лоас жар!

— Кысянь шоныдыс тӱд оньтӱ?—
Секретарлӱн лыбис син.
— Чӱвлы. Нинӱм кӱ тӱ он тӱд,
Тӱдлан раклысь тӱвьянин!

Менӱ тӱкӱтӱӱ эз вины.
Сизим душ ӱд — ёнысь-ён!
Ставныс локтӱмны тӱ динӱ.
Ачыл тӱдан, лӱдзлан он...

— Ноко, лӱдзлы, мыйся душъяс,—
Секретарлӱн ворсӱ нюм,—
Кутшӱм варышъяс да кутшъяс
Сӱни кыпӱдисны шум?

Воссис ӱдзӱс:— Марк Иваныч!
— Марк Иваныч! Тадз оз позы!
— Сувтны ӱткӱн мирлы паныд?
— Марк Иваныч! Лоас кось!

— Дзӱнь колхозлы туйсӱ потшӱ!
— Дудки! Оз-ӱ ещӱ потш!?
— Ми нин быдтам кыксӱ чошӱ...
— Чӱвлы, Пекла, ерӱтош!

Места вылас педзё Максим:
— Марк Иваныч, кыз нё сідз?
Честной морт со няйтён ляксьё,
Кыз он дорйы, кыз он видз?

— Яйлён мера эз ло кило...
— Лэптім сэтшөм скөтнөй двор!
— И подсолнух — важөн силос...
— И картошка чер оз кор...

Марк Иваныч кывзіс сюся,
Он өд тупкы йөзлысь вом.
Ставлён мыйкө пышкас пусьё,
Прёста эз ковмы райком.

— Мыйысь мыжаланныд кодөс?
Нинөм ме ог гөгөрво!
— Сідзкө, мыйла гөгөрвотөг
Көсьян чукөртны бюро?

— Удоратин, сідзкө, ыстіс,
Ассьыс кусё видзны мед?
Татшөмтор кө вөчны лысьтіс,
Пөсявласны дед и пред!

— Мый ті, мый ті? Пышйим асьным.
Эськө, төдліс кө, эз лэдз...
Көть сюрс верст,— а Рогов Васьлысь
Мунам, пазөдлам быд лэч!

Секретарлөн шпыныс петіс:
— Бур зэв вөлі тіян висьт!
Көн народ, ме тшөтш жө сэтөн,
Йөзтөг олөмө он письт.

Мөд пөрийө көдзаліс нин ужын,
 А Тарас эз на мыччы ныр.
 Сё витөд дум нин пөчлөн чужис
 И некыз сёяныс оз пыр.

— Көн ветлө? Мый нин лоис ськөд?
 Войшөра вой — и век эз во...
 Начальствокөд кө воан зыкө —
 Бур шьдөн оз нин верд бюро.

— Кодсюрөлы сэн шедлө пөттөдз,—
 Мам кывъяс костө чөвтис Миш,—
 Но батылы, водзвыв, делө төдтөг,
 Решенньө татшөмөс эн гиж...

Друг гиль-гольмуні кильчө кольча,
 Кыз гөлөс кыліс недыр мысьт:
 — Ме чайті, важөн нин ті шойччад?
 И узыны вөзйысьны ог лысьт.

— Кысь эськө шойччыны, а ме нин
 Чуть тэнө туявны эг мун...
 — Тшөтш ьджьд аттьө, Варук, тэныд,
 Ог вунөд тиянлысь төждлун!

Став прөстөй йөзлы, коді тэ кодь,
 Ме ещө шуа аттьө кыв.
 Народысь ьлөдзджыксө некод
 Оз шенышт некор асьыс сыв.

— Зэв кузя, Тарас, кутін нөдны.
 Тэ висьтав дженьыда и стөч.
 Бюроьд йылысь көсья төдны,—
 Эз лэччысь дедысь Варук пөч.

— Ном куртчөмысь не воны шогё.
Спокойнөя вай мун да вод.
Быд делё помасьлө бур ногөн,
Кор партиякөд став народ...

Пи синмё сюся дзоргис Тарас:
Ёсь пыридз — сылөн видзөдлас.
Сы водзё талун сувтис бара
Кузь олан туйыслөн быд час.

— Тэ, пиёй, туйё петан аски...
Комбайнёрөдз кө воан — во,
Но некор лөнинё эн ляскысь
И ставсьыс медводз — мортөн ло.

Машина радейтны, дерт, колё,
Но йөз динё кө лоан кид,
Сэк частё каитчывны лолё,
Эн йөзсё — асьтё сэки вид.

Морт мортлы медбур ёртөн овлө,
Көть зептас абу весиг шайт.
Мөд сэн жё югыд паськөм новлө,
А паськөм улас — сөмын няйт.

Дзик орччөн муниг коктё дойда
И мед он казяв сылысь лёк,
Дзонь часджын вешкыртчас да ойгас,
«Кыздз,— шуас,— дойдін менсьым кок!»

Судьбаыд кытчөдз көть оз нулы,
Эн вунөд ассьыд чужанін.
Тэ кызь вит во тась васё юлін,
Ель рөмөн ворсё тэнад син.

Код некор дзик оз көдзав гортысь,
Пыр сійөс шонтё паськыд мир,

Сэк восьса синмөн оло мортыс
И сөвєсть сьолөмсө оз йир.

Юр сюянинсө тайөс меным
Эз сетны озыръяс ни ен...
Со сийө мортыс — ыджыд Ленин, —
Код тшөктіс татчө пырны мен.

Нужда и сэк эз этша вөтлысь,
Но дона Ленинлөн портрет
Мем быттьө кайтіс: «Ов, оз вөтлы,
Ов тані, некытчө эн пет!»

И джодж и стенъяс муса меным
И весиг муса өшинь тас,
Дрөб туйыс төдчө на со сәні —
Қолхозъяс вөсна тышлөн пас.

Мед тан кө мулөн ылыс пельөс,
Но Коми ягсянь тэнад ай
Пыр кыліс сьолөмөн и пельөн,
Қыз тышын гымаліс Қитай.

И тайө керка стенө нөйтчис
Став му выв олөмыслөн гы.
И шуд моз татчө пырліс өтчыд
Медводдза тракторъяслөн шы.

Лейпцигсянь тайө жырйөдз кыліс
Димитров өртлөн сёрни гор,
Став сьолөмсянь сэк ошки сылысь
Фашизмлы вөчөм приговор.

Мем уджтөг нем эз чуктав-шедав,
Быд уджлысь көрсө кывліс ки.
Қык фронт пыр вуджи. Қык победа
Горт шөрөдз вайлі, дона пи.

Роч мортос лыдды ыджыд вокон,
Аснырон туй визьто эн кут.
Од сийо татчодз аслас кокон
И мем, и тэныд вайис шуд.

Коть белорус, коть молдаванин,
Китаец коть, и коть якут,
Тыш паномны ко лёклы паныд,
Эн нюжмась — накод орччон сувт...

Зэв унатор ме, пийй, тэчи,
Но эн жо вунод босьтны нянь...
Со топало нин войлон вечик.
Мун узышт, талун кежло шань.

25

Зарни тазйон кодко
Петис веж яг сайысь —
Тайо мян шонди
Выль лун татчо вайис.

Чайтан, Тарас гортын?
Со тай сийо тан нин!
Велодо том мортос
Потшос сюрос панны.

Мир туй дорын гажа.
Ветлысь-мунысь уна.
Кыскало машина
Ворсо быдса пунас.

Со и кодко волон
Ньюв моз лэбо скачон.
Шензьо Тарас дедо:
— О! Сёкоча-мачо!

Регыд мысти дедкөд
Отвесьтасис вёла.
Видзөдліс, да сылөн
Ювк-ёвкмуніс сьёлөм.

Эз пыр муё, уси
Тарас кийсь майөг.
«Этша, буди, узи?
Қаститчө мем тайё».

Асланым колхозысь
Тайё карой вёлыс.
Да и пукалысьыс
Миша кодь дзик вөлі...

Ме нин сійөс пөшти
Лыддя курсьяс вылысь...
Мый нө нин Гашдорсьыс,
Морлы, ковмис сылы?

26

Абу дивөыс сэн нинөм!
Радейтөмыд пуяс синө.
Морттө кусньөдлас нин, дерт,
Сөмын вөля сылы сет.

Ставныд помнитад Русланөс,
Қызди корсис муса аньөс:
Светсө кытшовтіс — эз вош,
Черноморлысь тшытшліс тош.

Мед Людмила лоис сылөн,
Мунліс быдся подвиг вылө.
Тані мый? Крут Гашдор чой?
Сэтчө оз на ков герой!

Мукөд дырйи-й Черноморысь
Нывлөн олан сямьс чорыд,
Но любовь кө збыль любовь,
Ставсө небзьодас — эн пов!

Миша радейтөмлы эскис:
Пачад тырмылас кө пескыд,
Пөсьөн оньтас сийө дыр,
Лөдсавлан — дай жар оз быр.

Мукөд зонлөн сьөлөм öййө,
Нуас гөра сылөн көсийөм!
Сөмын ышнясьысь поэт
Радейтчыны туй оз сет.

Ликтас зонлы мича нылös:
Ышлов — орчча сиктөдз кылө.
Сөмын насянь мича ныв
Öййөданатор оз кыв.

Бытьö йөзсянь вежавидзиг,
Кыкөн ветлөдласны сідзи:
Чегъяласны льөм пу ньөр,
Сэсса усйыясны бөр.

Лыддысьысь, тэ аддзан ачыд:
Миша миян эз вөч тадзи.
Мортыс төдö: збыль любовь
Орччөн полөмкөд оз ов.

Вөйпны нинөмла том мортös!
Сийө пырис нин ныв ордö:
— Оля! Ставыс тэнад дась?
Мунтөдз коли сөмын час...

— Радейтан кө, бөръя здукөдз
Он жö емъяс йылын пукөд! —

Зонлы емысь ёсьджык кыв
Дойманіно чуткис ныв.

Миш эз кыв нин нывлысь кывъяс,
Босьтліс Оляос ён сывъяс,
Сэсса сылысь чемодан
Доддью петкөдіс тун-тан.

27

Буса мир туй кузя,
Паськыд Эжва пөлөн,
Даньдор сиктө бөр нин
Рөдтө карөй вөла.

Адзис дедө, броткө:
— Моръяс!.. Ещö кыкөн!
Нывбаба со, кодкө,
Пукалө тшөтш сыкөд.

Туй вылөдзыс, — шуө, —
Петала нин буди?
Төвзыштас да бара
Төдмавы ог удит.

Весьшөрө дзик Тарас
Дзоргис синкым увті,
Матысмис да вөла
Джөм сы весьтө сувтіс.

Бытьё кувлөм бөрын
Адзис ловзьөм писö —
Бокъяс кузя Тарас
Швачкис кыкнан кисö.

— Чуймин? — нюмдіс Миша —
Дивуйтчан ме вылө?

Көсйысьөмтор, батыө,
Вөчи со, эг ылөд.

— Тэ тай бур туй вылын,
Пиёй, ветлан вөлөм?
Мися, кутшөм бобув
Додяд тэныд сөлөм?

— Гашкө,— шуө Тарас,—
Тшөктан поздравитны,
Бур любовь-сөветөн
Ичмоньпукөд йитны.

— Помассясны курсьяс,
Воам бөр колхозө.
Сэки-й, батыө, усьяс
Көтөдлыны позьө.

28

Ещө колис во. И со нин
Миша удитөма воны.
Гашкө, не кө комбайнёр,
Өнөдз колис вундантор.

Кызд нин Варук овлө, коньөр?
Мөд во виччысьө со моньөс.
Регыд дыр виччысянтор
Вежас сылысь пачводз дор.

Көн нин Рогов? Лым моз сыліс,
Қлиматыс эз лөсяв сылы.
Рогов кодлы — саридзсай,
Сэсь мед корсьө «му выв рай».

Тайө туйыс «патриотөс»
Көть и сёрөн, век жө сотіс,

Бурсö нинöмтор эз сет,
Сöмын мырддис партбилет.

Кöни Демид? Сійö век на
Висьö-мучитчö важ грекнас,
Воддза моз на — тöv и ар —
Частö видлавлö базар.

Со тай райцентрын жö бара.
Улöс вайöма — нель пара.
Кöть и «кöнтусь сейö» пинь,
Век на жаль вузасянin.

Волас ньöбасьысь сы дinö,
Вузöсторсö видлас кинас:
— Абу-й яндзим корны сьöм?
Улöсьясыд ставыс лöм!

Быд базарын варов ывла,
Час кө олан — сётор кывлан.
Даньдор сиктса öти ань,
Кылö, ошкö асьыс кань.

Кольö здук. Мöд сёрни пансьö:
— Кывлin, Максим пö авансöн
Деньга босьтöм көшöль тыр?
Нель сюрс — абу киссьöм сыр!

Татшöм лыдпас дышöс эльтö.
Ройөн сюялан көть пельтö,
Тайöс кылан көть, он кыв,
Он нин йирышт гыррдза йыв.

Демид «кöнтусь сейны» дözмис,
Вузöсторсö тöдтöм йöзлы
Джын дон вылö пырысь-пыр
Иналыштіс ропкигтыр.

Сэсся Дандор сиктö воиг
Сылы ещö сьöкыд лои.
Немся висьöм тай эз ков —
Морöс пытшкö йөрмис лов.

Сэтшöм сьöкыд, кöть эн видзöд:
Öгрö нуö ялавичöс.
Ялавичыс мöс кодь ён,
Гайö — уджысь содтöд дон.

Адöй! Пекла кутшöм азым!
Кöчан-мачсö сылы «МАЗ»-өн
Нуö гортöдзыс шофёр...
Демид öтнас — вошöм морт.

Гортас пырис, быттьö бушков:
— Ставсö чöрту, Иванушко!
Энорт улöс и диван,
Дукныс мед эз вöвлы тан!

— Локтін сьöмтöг али сьöмөн?
— Улöсьясыд тэнад лöмөсь!—
Татшöм ёна тёрзысь ки
Батьлысь первой аддзö пи.

— Сьöмтö öмöй ставсö юин?—
Пиыс көритöмөн шуис,—
Меным колö выль костюм...
— Тэд костюм, а мем кос юм?!

Пиöй, пурттöг менö кодзин!
Тадз кö кутам овны водзö,
Он тэ аддзыв пась ни кöм.
Лэччам нюрö, босьт ён лöм!

Тарас дедлысь куд кодь керка
 Гөгөр мыскалёма пельқа.
 «Бус чир ки улö оз шед!»—
 Аслыс нимкодясьö дед.

Пыр на гөсть да гөстя воö.
 Колö чайтны, дзескыд лоö!
 Весиг тырис порог ув,
 Öдзöстö кöть восьты — гув.

Сёян-юан тэчöм кыза,
 Тадзнад вермас чегны пызан.
 Он кö удорсяньыс пык —
 Öти пыдди артмас кык.

Керка пытшкöс кык пöв мичмöм:
 Шондi кодь жö том, бур ичмонь,
 Лыяс пырыс тöдчö вем,
 Сыкöд бура овсяс нэм.

— Талун ачым предыс пыдди,
 Свадьба вoсьсöмаөн лыддя.
 Гөлöсуйтны тан оз ков,
 Тöда, ставныд — «за любовь».

Ошлы, кыз куалы, лудöм!
 Пилы, моньлы — овны шудöн!
 Дружнö вуджны кузь туй кост,—
 Лэптiс Тарас первой тост.

Муртса вомас воис сурыс:
 — Ой-ой!— шуö,—кутшöм курыд!—
 — Курыд!— горзö, кылö, сват,—
 Сэтшöм курыд — веськыд мат!

Чупнитчисны ичмонь-гозья.
— Ай-да, кисьмём, мича озья!—
Тарас дедлөн серамбан
Местаын зэв лоис тан.

— Ещö уджалыштам во-мөд —
Таысь сукджык лоас чомөр.
Вый пытшкө кор вояс рок,
Сватö, лэптыныс тшöтш лок!

— Тарас, шуан жö тэ мыйкө!
Сяммам водзсасыны ми выйкөд.
Сöмын лишнöйсö эн верд —
Косттi синмöй мед оз берд.

— Янкилөн вот миян вийөн
Синмыс дзик нин берданвийын:
Муртса дзузгö нисьö оз!—
Тарас вештiс сёян доз.

Сёйём — лөнью. Гажыс — содö.
Бергалöны хороводөн;
Тарас дед да сьлөн внук —
Медся варовöсь кык друг.

Коми важсянь ворсны кужлiс,
Батьсянь пилы ворсём вуджлiс,
Мамлысь мыла сьыланкыв
Сьöрас кольöдлiс том ныв.

Тарас шуö:— Сьылöй, ворсöй,
Ёна сьылöй, мед он ворссьöй!
Сьыланкыв, кöть абу выль,
Сын эм олöмлөн збыль.

Тадз поэтлөн вöли гижём...
Тадз öд гижём вöли, Мишö?

Тадзи. Гашкө нө, кыв-мөд
Ас местааныс эг лөд?

Эз вун «сирөд мыръяс бертөм»,
Ноко, кутчысьлөй ме бердө!
Тайө важъя ворсантор
Ворсны-й öнi абу сёр...

Öдзöс вугйö Тарас дедö
Шашаритчис. Он на-й шедöd!
Абу на тай кокныыд жуг,
Оз на энóвт öдзöс вуг.

Со тай бригадирöс век на
Öдзöс вугйысь бертö Пекла.
Не кө Максим, «сирөд мыр»
Эз на эськö чукты дыр.

«Мыръяс бертөм» вевттис гудök.
Кодлөн кок пыдöсыс лудö,
Кодлөн ветлан мода тшап —
Зурк да зөрк да туп да тап!

Йöктö сват и йöктö сваття,
Часi öдйö кадсö каттьö.
Гудök вежö ворсанног,
Вомлы отсасьö быд кок:

Кузьта — пасма,
Кызта — тасма,
Туша-рожа — вöчтöм гыр.
Гудök вемö
Сюйлiс Семö
Быдся дивöсö — пож тыр.
Эм-ö тэнад
Тру-до-деньыд?
Эм кө, лок. Абу — мун!

Вешйы, тшанй, .
Чужйыштсян од —
Менам тырмас укшальлун.
Пот ко скот,
Тшотш ачид пот.
Скот ко тшыг —
Паняв быг.

Порсь ко видзан,
Нэм он видзав,
Умтөдз сёян тшөг да гос.
Сөвмө-лыдмө,
Туо-быдмө
Миян Даньдорса колхоз.
Йоктан круго
Петав, друго,
Чирк моз вывлань чеччышт — звирк!
Кок мед мудзлас,
Юр мед судзлас
Тарас деллысь керка йирк.
Сям ко бур,
Тэд шедас ур.
Сям ко ныж —
Аслад мыж.

Кыдзи төлысь,
Сидзи-й колысь
Сиктын миян лоас мед!
Ныв мед воччө,
Зон мед вөтчө,
Кытчөдз кутантор оз шед.
Лишнөй румка
Вомө дзумган —
Сидзкө, омөлик жөник.
Удж ко сетчө,

Пось кӧ лэччӧ,
Кутас радейтны став сикт.
Ик да эк,
Выль гудӧк мек!
Выль на дзик.
Эк да ик!..

Гудӧк лӧнис. Эз-ӧ ылӧд?
Удал гудӧкасьысь ылӧ
Оттшӧтш видзӧдліс сӧ син,
Здукӧн рекмис йӧктанін.

Збыль мӧй ланьтӧм ылӧ помка
Аддзис татшӧм варов хромка?
Видзӧд бура, аддзан он?
Дзулькӧн пӧсялӧма зон.

Свадьба туӧ, свадьба пуӧ,
Кодкӧ шыд пыдӧссӧ юӧ,
Кодкӧ чатӧртӧма юр,
Вомас кисьтӧ быгъя сур.

— Тарас, ёнасӧ эн горшась!
Комбайнӧр дай комбайнӧрша
Вичмис, сӧ мокасьтлы, тэд.
Меным татшӧм шуд эз пет.

— Татшӧм шудыд петлӧ шоча,—
Шуӧ Тарас сватлы воча.—
Кадыс сэтшӧм — нем он кер,
Вермис сюрны-й инженер.

Тайӧ, зон, социализмыд
Миян сиктӧд мунӧ-ризйӧ!
Сылы тэ эн эскыв? Эн!
Вот и петкӧдчис со тэн.

Тэ моз некод жö эз тiрав?
«Юрöс ассьым ог жö сирав,
Ог жö ме колхозö пыр!?»—
Дöжнавлiн тэ воысь дыр.

Вöли тадз артельö пыртöдз.
Öнi, кöть и ыстан мырдöн,
Он нин тэ колхозсьыд пет!—
Сватсö лап-лапкерис дед...

Бьдöн гөгөрвоад асьныд:
Öддылас кö сёрни-басни,
Оз кут тупкöм семафор,
Воас станция «Рытсёр».

Мыйта гöсть да сват да сваття,
Кык пöв унджык вöли аттьö.
Öтлаасьлис кымын ки —
Льдсö-тшöтсö воштим ми.

Джоджсö нöйтыштісны дедлысь,
Вердчысьяслы мудзтор шедліс,
Пöсьявліс и öдзöс дзир —
Вот и тайö вöли пир!

* * *

Свадьба эштис. А поэма?
Ог тöд, дженьыд-ö, кузь нэма,
Со тай суд вылö ме сійöс
Ставнас сеті тiян киö.

Гашкö, Тарас дедлысь бур ним
Пыдди пуктысь вермас сюрны?
Ми тай лöсьялім зэв сыкöд —
Шог и гажлун юким кыкөн.

Ортсö унатор эг петкöд,
Мыйяс тöдам сöмын дедкöд.

Да и мукөд посниторйыд
Дедөс ёнасө оз дорйы.

Гырысь гыяс вомөн катөм
Гашкө-й оз жө тыдав татөн,
Но ми дедкөд, кызди кужим,
Век жө олөм пыштi вуджим.

Ми эг зильөй гора кывйөн
Ошйөдчыны олөм сывйё,
Полім, медым тыртөм дзирдөн
Миян мыгөрным эз вирдав.

Кызди коркө Тарас шуис,
Полім торйөдчыны муысь.
Мутө радейттөг да гөртөг
Морттө олөм немө пөртө.

Дедкөд янсөдчөмыс меным —
Ыджыд дойлысь висьөм венөм.
Сьөлөмөй көть кызди висьө,
Ковмис кутыштлыны кисө.

Дона лыддысьысь, бур ёртөй,
Коркө мунап кө Даньдортi,
Куд кодь керкаө тшөтш пырав,
Дедкөд пукышт мыйкө дыра.

Төдмав, кызд нин сийө олө,
Висьтав мясянь ыджыд чолөм.
Чайта, весиг, уна во пыр
Сийө аддзас менсьым копыр.

3

1 ш. 90 к.